

**(1) Tingatsvaga Mwari nenzira ipi?**

*Jeremia 29:13*

Chimiro chedu chechitema chinotiparadzanisa naMwari, asi chidiso chemwoyo waKe Mwari ndechekuti timutsvake nemwoyo wakaperera. Ndeapo chete kana mwoyo wese waiswa mumaoko ake patingagona kudzoreredzwa tifanane naYe.

**(2) Chimiro chedu chakaita sei kana Mwari asina kupindira?**

*VaEfeso 2:1*

Vhesi iri rinotsanangura chimiro chatinenge tiri kana tisina Mweya Mutsvene. Mwari anodisa kutiponesa nekutisunungura kubva kuhuranda hwechitema. Sezvo izvi zvichida kushanduka kuzere, tinofanira kupira zvese kwaAri. Isaya 1:5; 2 Timotio 2:26.

Hondo yatinorwa tichizvirwisa isu pachedu ndiyo hondo huru yatatitamborwa kana yatichazomborwa. Kuzvipira kwekupa sarudzo dzedu dzose kuzvidiso zvaMwari ihondo chaiyo. Mwoyo yedu inofanira kunge ichidisa kubvumira kuzvido zvaMwari isati yaitwa mitsva uye kuitwa mitsvene.

**(3) Rukokoi rwatinopihwa naMwari runotisiya tiine simba rekuzvisarudzira?**

*Isaya 1:18*

Kutonga kunoita Mwari hakusi kwekuti tingozvipira kwaAri pasina kufunga. Uku kunenge kwatova kutibatira (kana tikarambidzwa kuzvifungira) ayo ari manyepo Satani anoda kuti titende. Matongerero aMwari pamusoro pedu anonzwisisika uye anotaura kupfungwa dzedu. “Uyai zvino, titaurirane.” Ndiko kukoka kweMusiki kuzvisikwa zvake zvaakaita. Mwari haatimanikidziri kumuteera kana isu tisingadi. Haagoni kugamuchira kuzvipira kana kusina kuitwa nemwoyo wazvisarudzira. Dai taimanikidzirwa kumuterera zvaizotadzisa kukura kwedu mupfungwa uye muhunhu hwedu. Izvi zvaizotiita semichina, zvino ichi handicho chinangwa chaMwari wedu. Isu tisv nhongonya yekusika kwake, uye Iye anodisa kuti tisvike pahukuru hwekukura hwatingakwanisa kusvika. Anotipa kuzvisarudzira makomborero ayo aanoda kutipa kuburikidza nenyasha dzake. Anokumbira kuti tizvipire kwaari kuitira kuti agotiitira zvaanoziva kuti ndizvo zvakanyanya kutinakira. Zviri kwatiri kusarudza kusunugnurwa kubva mutorongo rechitema kuti tigokwanisa kuva pamwe naye murusununguko urwo runopiwa vana waMwari.

**(4) Tinofanira kuva vanhu vane chidiso chakaita sei kana tichiuya kuna Mwari?**



*Ruka 14:33*

Kana tichizvipa kuna Mwari zvinokosha kuti tisiye zvose zvingatiparadzanisa naYe. Chese chinokwezvera mwoyo yedu kure naMwari chinofanira kuregedzwa. Hupfumi chifananidzo chevazhinji. Kuda mari uye chidiso cheupfumi ndiyo ngetani yendarama yavakasunganidzwa pamwe chete naSatani. Mukurumbira nekuremekedzwa nenyika ndizvo zvinonamatwawo nevamwe. Hupenyu hwekungogara pasina chekuita, wakangosununguka ndicho chimwari chevamwewo. Tambo idzi dzinotiita varanda dzinofanira kudimburwa. Hatigoni kuzvitsemura nepakati kuti titi rumwe rupandi rwedu kunaMwari uye rumwe rupandi kunyika. Tinenge tisiri vana waMwari kana tisiri vake zvachose.

**(5) Tinogona kupinda denga nekuzvishandira here?**

*VaEfeso 2:8*

Kune avo vanoti varikushandira Mwari asi ivo vachivimba nesimba ravo pakuchengeta murairo waMwari. Vanofunga kuti vanogona kuzviponesa nekushandura zvimiro zvavo. Mwoyo yavo haisundwi nerudo rwakadzika rwekuda Kristu. Vanoedza kuita mabasa ehupenyu hwechiKristu vachifunga kuti izvi ndizvo zvinodikanwa naMwari kuti vagopinda denga. Kunamata kwakadai hakuna zvakunobatsira. Kana Kristu ava kugara mumwoyo yedu, mweya yedu ichazadzwa nerudo rwake uye nerufaro rwekuva pedyo naye zvekuti tichabatirira kwaari tisingadi kusiyana naye. Apo tinofunga nezvaKe tinobva takanganwa kuzvifunga, uye rudo kunaKristu ndirwo ruchatisunda uye chichava chikonzero chekumuterera, Avo vanonzwa simba rokuda Mwari richivasunda havabvunzi kuti ndezvipi zvishoma zvavangaita kuti vakodzere pane zvaanoda. Havabvunzi zvishomashoma zvingadikanwa

asi vanoedza kuva muzvidiso zveMununuri wavo. Vachinzwa kusundwa nechidiso chikuru vanopa zvavo zvose kuna Mwari. Vanoratidza kufarira kuita zvinodikanwa na Mwari. Kuedza kuziva Jesu pasina rudo rwakadzika mumwoyo kwaAri, kungotaurawo, kungopambadzawo nguva.

**(6) Chii chakaitwa naKristu kuti tiponeswe?**

*Isaya 53:6*

Unonzwa uchirasikirwa here kana kuti kunzwa kuzvipira kwakapfuurikidza kana ukapa zvese kuna Jesu? Zvibvunze mubvunzo uyu, “Jesu akandipei?” Mwanakomana waMwari akapa zvose; Akapa upenyu hwake, Akapa rudo; Akatambudzika kuti tiponeswe. Zvingaitawo here kuti isu nekusakodzera kwedu, tamboitirwa rudo rwakadaro tirambe kumupa mwoyo yedu? Chero chinguva chose cheupenyu hwedu, tanga tichingogamuchira chikomborero chenyasha dzake. Nokuda kwaizvozvi hatigoni kuziva zvizere kunzwisisa kwedu kushoma pamusoro pekutambudzika kukuru kwaakatidzivirira kupinda nemakuri. Tingatarisa here kuna Jesu, uyo akafira zvivi zvedu, isu tigoramba rudo rwake nekuzvipira kwaakaita panzvimbo yedu?

**(7) Sei tichifanira kunzwa urombo uye kunyara pamusoro pezvitema zvedu?**

*Isaya 53:12*

Mushure mekuona kunyadziswa kusati kwamboonekwa kwakaitwa Ishe wedu, hatifaniri kunyunyuta nokuti tinofanira kuzvininipisa nekupinda nemumatambudziko kuti tipinde muhupenyu. Mubvunzo unobvunzwa nevanhu vazhinji vanekuzvida mumwoyo mavo ndewekuti, “Sei ndichifanirwa kuuya pamberi paMwari ndichinzwa urombo pamusoro pechitema uyewo kunzwa kunyara ndisati ndawana vimbiso yekugamuchirwa naye?” Ndinokunongedzera kuna Kristu. Akanga asina chitema, zvinodarika izvozvi ndezvekuti, Akanga ari Muchinda wedenga (neVanji / Mwanakomana waMambo); uye kuti pachinzvimbo chemunhu akabhadhara mungava wechitema achibhadharira isu. Akaverengerwa pamwechete nevatadzi uye akatakura zvitema zvedu.

Chii chatinorasikirwa nacho patinozvipira kwaAri? Tinomupa mwoyo wakazara nechitema uye wakaremerwa netsvina kuti Jesu auchenese nekuuchenura neropa raKe uye kuponesa nerudo rwake rusina chipimo. Asi vamwe vanotofunga kuti vaite izvi mukuzvipira vanenge vatonyanyirwa!

**(8) Patinouya kuna Ishe chinangwa chedu chinofanira kuva chei pazvinhu zvose?**

*Mateo 6:33*

Hapana rufaro rungambouya nekutsvaga mafaro enyika ino. Tinenge tichingozyikuvadza patinenge tichifunga nekuita zvinhu zvinopesana nezvidiso zvaMwari. Tikasarudza nzira yechitema ichatitungamirira mukutambudzika nerufu.

Kana tauya kuna Mwari haatiiti kuti tisiye zvinhu zvakatinakira kuti tizvichengete. Mune zvese zvaanoita, Anenge achingotsvaga zvakanakira vana vaKe. Dai vasina kusarudza Jesu vaiziva kuti ane zviri nani zvekuvapa zvinopfuura izvo zvavanzvishuvira pachavo, havairega kumusarudza. Anoziva zvakatinakira uye anoronga zvole kuti zvinakire avo vanomutevera.

**(9) Ivimbiso yatinogona kubatisisa sevana waMwari?**

***VaFiripi 4:19***

Kukanganisa kutombofunga kuti Mwari anofarira kutambudzika kwevana vaKe. Denga rose rine hanya nekufara kwedu. Baba vedu vekudenga havavhari nzira yerufaro kunaani nani wevaAkasika. Mwari zvaanotikumbira kuti tiite kugara kure nemafaro enyika ayo anotiunzira kutambura nekukundikana, zvinhu zvinotitadzisa kufara nekuenda kudenga. Muponesi wenyika ino anotigamuchira sezvatiri (sezvatakaita), nezvole zvatingada, kusakwana uye kushaiwa simba kwedu. Haazongotichenuri kubva muchitema kana kungotinunura neropa raKe asi achazadzisa zvidiso zvavose vachabvuma kutakura joko raKe uye kutakura mutoro waKe. Chinangwa chake kupa runyararo nekuzorora kuna vole vanouya kwaAri vachitsvaka chingwa cheupenyu. Anongotikumbira kuti tiite zvinhu izvo zvichatungamira tsoka dzedu kurufaro rukuru rusingagoni kusvikwa neavo vasingateereri. Mufaro wechokwadi wemweya hunge Jesu achirarama mauri. Iyi ndiyo tarisiro yembiri.

**(10) Ndingave sei Mwana waMwari?**

***Joshua 24:15***

Unoda kuzvipira kwaAri, asi unonzwa uchishaiwa simba rekuita zvakanaka. Uri muranda wekusatenda (wekupokana) uye hausi kukwanisa kubva patsika dzako dzeupenyu hwechitema. Zvaunovimbisa nezvaunoedza kuita zvakanakana netambo dzejecha (hausi kugona kuzvizadzisa). Hausikukwanisa kudzora pfungwa dzako kuti dzifunge zvakanaka, haugoni kuzvidzora pane zvaunonzwa kana zvinodokwairirwa nemwoyo wako. Paunorangerira vimbiso dzose nemhiko dzawakatyora zvinoshaisa kutenda kwako simba wopedzisira wozvibvunza kuti wairevesa here pakuzvipira kwako. Zvinokuita kuti unzwe sokunge Mwari asingagoni kukugamuchira; Izvi ngazvirege kugodora mwoyo wako. Chaunoda kunzwisisa isimba rechokwadi rekuzvisarudzira. Ndiro simba rinotonga mumunhu: simba rekusarudza zvaunoda. Zvinhu zvole zvakatsamira pasarudzo dzakanaka dzinobva pasimba iri. Mwari akapa simba rekuzvisarudzira iri kwauri; nderako kuti uri shandise. Haugoni kushandura mwoyo wako, haugoniwo kupa rudo kuna Mwari wega

pachako; asi unogona kusarudza kumushandira. Unogona kumupa simba rako rekusarudza, zvino iye achakubatsira kuti ude kuita izvo zvaanoziva kuti ndozvakakunakira. Zvino, zvauri zvole zvinobva zvaiswa pasi pekutungamira kweMweya waKristu. Rudo rwako ruchange bedzi rwotenderera paAri, uye pfungwa dzako dzichafanana nedzaKe.

**(11) Ko vole vachaponeswa here vane chidiso chekuponeswa?**

***Mateo 7:21***

Chidiso chezvakanaka nechehutsvene zvinhu zvakanaka zvakadaro, kana zvikamirira ipapo hazviunzi michero (hazvina zvazvinobatsira). Vazhinji vacharaswa vaine tarisiro uye kushuvira kuva maKristu. Havasviki pachidanho chekupa simba ravo rekuzvisarudzira kuna Mwari. Havaiti sarudzo yekunyatsova maKristu.

Mukushandisa simba iri mukuita sarudzo dzezvakanaka hupenyu hwako hwese hunogona kushandurwa. Mukupa simba iri rekuzvisarudzira kuna Kristu, unozvibatanidza nesimba riri pamusoro pehumambo (hushe hwose) nemamwe masimba ose. Unenge wava nesimba rinobva kumusoro rinokubata wakachengeteka, uye mukuramba uchizvipira kuna Mwari nguva dzose unopihwa kukwanisa kurarama hupenyu hutsva hwekutenda.

*Ndinoona rudo runotyisa rwakaraidzwa naKristu mukupira upenyu hwaKe nokuda kwezvivi zvangu.*

**Tenderedza: Hongu Kwete Handisati ndasarudza**

*Ndinotenda kuti Ishe wakandisika ndiine rusununguko rwekuzvisarudzira. Nemufaro ndinogamuchira rukoko rwake, “Uyai zvino titaurirane”*

**Tenderedza: Hongu Kwete Handisati ndasarudza**

*Mukurarama kwese kwandati ndaita ndirikutoona kuti kuzvipira ndicho chinhu chakaomarara kuita. Ndaonawo zve kuzvipira kunotyisa kwaKristu kwaakaitira ini. Iye zvino chidiso changu kudzorera rudo rwaKe mukuzvipira kwari kuti atore simba arangu rekusarudza rive rake uye ndinozvipira hupenyu hwangu hwese kwaAri*

**Tenderedza: Hongu Kwete Handisati ndasarudza**

(C) Merlin Beerman - [www.revelationpublications.com](http://www.revelationpublications.com)  
Illustrations (C) Goodsalt - [www.goodsalt.com](http://www.goodsalt.com)  
These materials may be photocopied and shared but not altered or sold.

Printed in USA by Light Bearer’s Ministry - [www.lbm.org](http://www.lbm.org)

# Matsiko Kuna Kristu



## Kuzvipira kuna Mwari